



**Sámi
allaskuvla**

OAHPPOPLÁNA

SÁM 191

GIRJEČÁLLIOAHPPU 1- Lyrihkka ja teáhterteavsttat

10 oahppočuoggá

Dohkkehuvvon Dutkan- ja oahppostivrras 10.05.22 áššis 11/22 ja loahpalaččat DOS-jodiheaddji mearrádusnotáhta bokte 16.06.22, Public áššenr: 22/00268. Rievdaduvvon goahtejodiheaddji mearrádusnotáhta bokte 30.06.23, Public áššenr. 23/00309-1.

1. OAHPU NAMMA

Sámegillii: Girječállioahppu 1 – Lyrihkka ja teáherteavsttat

Dárogillii: Forfatterstudium 1 – Lyrikk og teatermanus

Eangalasgillii: Creative Writing 1 – Poetry and theater scripts

2. OPPALAŠ DIEĐUT OAHPU BIRRA

- Oahppoovttadaga koda: SÁM 191
- Dássi: Bachelor
- Oahppočuoggát: 10 oahppočuoggá
- Oahpu lágideapmi: Deaivvadeamit leat juhkkouuvvon fysalaš deaivvadeapmin Diehtosiiddas (ja vejolaččat eará báikkiin) ja neahttaoahpahussan. Sámi allaskuvla lágida kurssa ovttrasráđiid Sámi Girječálliid Servviin.

3. OAHPPOPROGRÁMMA GULLEVAŠVUOHTA

Oahppoovttadat lea oassin Girječállioahpus 1-3, mii oktiibuot dahká 30 oč. Girječállioahpus lea vejolaš váldit juohke 10 oč kurssa sierra.

Oahppu lea dohkkehuvvon doarjjafágan Sámegiela ja sámi girjjálašvuođa bachelorprográmmas ja sáhtá maid dohkkehuvvot doarjjafágan eará bachelorprográmmain.

4. SISABEASSANGÁIBÁDUSAT

Dábálaš sisabeassangáibádusat alitoahpahussii ja sámegielmáhttu. Sisabeassanvuodđu sáhtá leat juogo oppalaš lohkaengelbbolašvuohta (čadahan joatkkaskuvlla/logahaga) dahje realaengelbbolašvuohta. Oppalaš lohkaengelbbolašvuođa gáibádusat olgoriikka ohcciide bohtet ovdan GSU-listus.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellanja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

5. OAHPAHUS- JA EKSÁMENGIELLA

Váldo oahpahusgiella lea davvisámegiella. Eará sámegiela, skandináva gielat ja eangalasgiella sáhttet geavahuvvot oahpahusas. Oahpahus davvisámegillii ja eangalasgillii ii dulkojuvvo. Eará gielaide oahpahus dulkojuvvo dárbbu mielde.

Eksámengiella lea dábálaččat davvisámegiella, muhto sáhtá rahppot vejolašvuohta čállit eksámena eará sámegielaide.

6. SISDOALLU

Girječállioahppu 1-3 lea jurddašuvvon olbmui geat hálidit oahppat girječállima, ovdánahttit čáppagirjjálaš čállindáidduset ja hárjánit árvvoštallat girjjálašvuođa teavsttaid. Danin vuoruhuvvo čállin iešguđetge šanjeriin. Oahpahus lea mánggabealat, ja dasa bovdejuvvojit guosselogaiddallit lassinsálgádeddjiide. Studeanttat galget oahpásmuvvat iešguđetge čállinšlájaide/ šanjeriidda, ja sii besset ieža iskat čállit sihke šanjerájáid siskobealde ja šanjer-rastideaddji teavsttaid. Oahpahus lea maid dá girječállima giellageavaheami birra ja oahpásmuvvan sámi čállima historjái ja mánggabealatvuhtii, ee. girjjálašvuođa ođđa almmuhanvugiide, dego slam, spoken word ja digitála girjjálašvuohta. Iešguđetge oahpus deattuhuvvojit moaddes čállinhámi erenoamážit.

Oahppu addá čállinhárjáneami mii lea ávkin sihke čáppa- ja fágagirjjálaš čállimii. Kurssas oahpásmuvvá iešguđetge čállinšlájaide maid sáhttet atnit ávkin sihke journalistat, lágádusbargit, olbmot geat barget kulturealáhusain, girjerájusbargit ja oahpaheaddjit.

Girječállioahppu 1 čiekŋuda erenoamážit sámi lyrihkii, sihke otnábeaivvi poesijii ja árbevirolaš hámiide mat ee. ilbmanit sámi myhtain, juoiganmuitalusain ja luhtepoesijas. Dasa lassinsálgádeddji Girječállioahppu 1 sámi teahterteavsttaide.

7. OAHPPANJOKSOSAT

Oahpu máŋŋa studeanta lea olahan dáid oahppanjoksosiid:

Diehtu:

Studeanta

- dovdá girječállima iešguđetge čállinhámiid ja sámi lyrihka erenoamážit
- dovdá sámi lyrihka, sihke dološ ja dálá juoiganpoesija ja ođđaset sámi diktačállima
- dovdá sámi lyrihkkagirjjálašvuođa historjjá ja sámi teahterárbevieru
- dovdá drámateavsttaid huksejumi ja sámi teahteriid ovdanbuktimiid

Máhttu:

Studeanta

- hálddaša bures sihke čállit ja čilget sámi poesija ja dovdá oadjebasvuođa čállima hárrái
- máhtá iežas teavsttaid buktit ovdan
- máhtá čilget sámi poesija historjjálaččat ja odne

Oppalaš gelbbolašvuohta:

Studeanta

- máhtta čilget sámi lyrikkahistorjjá ja geavahit sámi poehtalaš ja drámahtalaš ovdanbuktinvugiid
- máhtta earáid diktačállima ja dráma-teavsttaid árvvoštallat ja evttohit buoridemiid
- máhtta vuostáiváldit árvvoštallama buoridan dihtii iežas čállindáidaga

8. OAHPAHAN- JA OAHPPANVUOGIT

Oahpahuš lea čoagganemiid bokte. Lea maid vejolaš ahte muhtun deaivvadeami leat digitála hámis. Studeanttat galget čállit teavsttaid deaivvademiid gaskkas ja sáddet daid fágaoahpaheddjiide ja mielstudeanttaide kommenteremii vai olles joavku beassá čoagganemiid oktavuodas ságastallat ja árvvoštallat ja evttohallat buoridemiid teavsttaide. Teakstabájit main studeanttaid iežaset čállosat guorahallojuvvojit dárkilit leat guovddáš oassi oahpus. Dasa lassin leat logaldagat mat čilgejit girjjálašvuođa šlájaid, čállinhámiid ja árvvoštallanvugiid.

Vurdojuvvo ahte studeanttat leat aktiivvalaččat mielde ságastallamiin iešguđet teavsttaid guorahallamis.

9. GÁIBÁDUSAT BEASSAT EKSÁMENII

Studeanta galgá leamaš mielde unnimusat 75 % čoagganemiin.

Studeanta galgá

- čállit unnimusat 5 siiddu ođđa dahje ođastuvvon teavstta juohke deaivvadeapmái
- ovdanbuktit unnimusat ovtta teakstačájálmasa (teakstaovdamearkka), mii ságastallojuvvo studeantajoavkkus.

10. EKSÁMEN

Eksámen lea ruovttueksámen mas studeanta gárve teavstta dahje teavsttaid maid lea čállán oahppoáiggi, joga:

- 10-15 divtta, *dahje*
- gaskkal 6-10 siidosaš neaktinbihtá (čájálmasa) teáhtera dahje filmma várás, *dahje*
- guokte 3-5 siidosaš lyrihkka-, teáhter- dahje filbmaárvvoštallama.

Eksámen árvvoštallojuvvo ceavzán/ ii ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea ovddasvástádus searvat árvvoštallamiidda mat leat oassin kvalitehtasihkkarastinvuogádagas.

Studeantadásis oahppu árvvoštallojuvvo oahpu loahpahettiin. Ásahusdásis oahppu árvvoštallojuvvo studeantaárvvoštallamiid, sensorraporttaid ja fágaraportta vuodul.